

| | | | |
|------------|-------------------|---------|--------------------|
| TARIKH | 6 / 2 / 2016 2017 | SEKSYEN | Ehwal Antarabangsa |
| MUKA SURAT | 16 | RUANGAN | |

Misi bantuan dijangka tiba di Myanmar Rabu



Dr Raja Amin Mokhtar (tiga dari kanan) bersama pasukan perubatan melakukan latihan di bilik bedah Kapal Nautical Aliya, semalam.

Laut Andaman: Kerajaan Bangladesh bersetuju memberi kelulusan visa ketibaan (VOA) kepada 195 aktivis dan sukarelawan misi flotila kemanusiaan yang akan mendarat di Teknaf, Sabtu ini.

Ketika ini, kapal Nautical Aliya yang membawa 2,300 makanan dan ubat-ubatan memasuki Laut Andaman dan dijangka tiba di Myanmar Rabu ini.

Kerus misi yang juga Presiden Kelab Putera 1Malaysia (KP1M), Datuk Seri Abdul Azeez Abdul Rahim, berkata pelayaran flotila lancar dan sukarelawan bersemangat tinggi untuk tiba di Myanmar dan Bangladesh.

"Ketika ini, kami menumpukan kepada persediaan untuk mendarat di Myanmar selain mengambil langkah keselamatan atas kapal. Ia termasuk latihan situasi kecemasan dalam senario kebakaran, kecemasan perubatan dan yang berkaitan," katanya.

Terdahulu, pasukan perubatan misi yang diketuai Datuk Dr Alwi Abdul Rahman melakukan latihan kecemasan perubatan dalam tiga senario, termasuk situasi di mana kapten kapal tercedera.

Seramai 30 doktor dan paramedik menyertai misi ini di atas kapal yang turut dilengkapi bilik kecemasan serta boleh menjalankan pembedahan kecil.